

Foliūm. x.

quatenus omnes et singuli huiusmōi altariū rectores ipsorum altaria dudū fundata et nōdum confirmata infra duos menses a datis presentiū et eis facta notificatione. Altaria vero in futurū fundāda et dotanda infra spacium sex mēsium a die fundationis incipiēdo confirmari procurent. Alioquin iōis terminis lapsis in huiusmōi altaribus celebracionē interdicimus divinorū . arcus cōtra rectores negligentes processuri.

De cimiterijs & fructibus in eisdē crescentibus.

Quia cimiteria ecclesiarū ubi fidelium corpora ex quibus multi sine dubio celestes possident et inhabitant mansiones in licito honore nō seruari percepiimus. Igitur vniuersis & singulis nostre diocesis curatis presbiteris p̄cipim⁹. quaten⁹ plebisanos suos ac custodes ecclesiarū suarū publice in ambone req̄rant et amoneant subq; pena obedientie precipiant. ne deinceps equos. porcos. aut pecora quecūq;. exceptis volatilib⁹ in cimiterijs pascant. neq; hoc familiā suam facere p̄mittant quoniam. Alioqui contrariū faciētes se nouerint grauit̄ puniēdos.

Sicut predecessores nostri cōstituerunt ut graminis et arbores cum fructibus eorum in cimiterijs crescentes nulli nisi plebano in usum cedere debent. Ita nos presentib⁹. id idē sic fieri demandam⁹ et statuimus.